



Verwysing: 20201001-8366  
Lêernommer: 13/25/2  
Navrae: C Klopper

Assesseringsbestuursminuut: 0014/2020

Aan: Adjunk-direkteurs-generaal, Hoofdirekteure, Direkteure, Hoofonderwyskundiges, Hoofde: Kurrikulumondersteuning, Kringbestuurders, Hoofde: Bestuur en Beheer, Adjunk-hoofonderwyskundiges, Assesserings- en Eksamenkoördineerders, Vakadviseurs en Hoofde van alle opvoedkundige inrigtings wat kandidate vir die Nasionale Senior Sertifikaat-eksamen voorberei

**Onderwerp: Deelname aan die ondertekening van 'n belofte en verbintenisoreenkoms betreffende die skryf van die 2020 Nasionale Senior Sertifikaat-eksamens**

1. Die Nasionale Senior Sertifikaat (NSS) -eksamen word ingevolge die **Regulasies betreffende die afneem, administrasie en bestuur van assessering vir die Nasionale Senior Sertifikaat-eksamen** (gewysig), soos gepubliseer in *Staatskoerant* Nr. 31337 van 29 Augustus 2008, geadministreer en afgeneem, wat van toepassing is op openbare en onafhanklike assesseringsliggame wat die Nasionale Kurrikulumverklaring, graad R tot 12 assesseer en eksamineer.
2. Enige afwyking of oortreding van die regulasies deur 'n kandidaat wat vir die NSS-eksamen ingeskryf is, kan daartoe lei dat hulle eksamenuitslae nietig verklaar word. Dit is dus noodsaaklik dat alle kandidate hierdie reëls en regulasies ken.
3. Die Departement van Basiese Onderwys het versoek dat kandidate wat geregistreer is om die NSS-eksamen te skryf, 'n **verbintenisoreenkoms** en 'n **belofte** onderteken om die gedragskode van die eksamen te gehoorsaam.
4. Die verbintenisoreenkoms bied 'n gedetailleerde lys van die hoofreëls en regulasies oor die NSS-eksamen asook 'n lys van onreëlmatighede wat tydens die skryf van die eksamen mag voorkom.
5. Alle leerders en hulle ouers of voogde moet die verbintenisoreenkoms (**Bylae A**), voor die aanvang van die eksamen onderteken.

6. Die getekende verbintenis-ooreenkoms moet by die skool gehou word as deel van elke kandidaat se skoolrekord.
7. Skole moet vir elke graad 12-kandidaat 'n afskrif van die NSS-eksamenbelofte (**Bylae B**) maak.
8. 'n Vergadering van alle graad 12-leerders moet op 23 Oktober 2020 byeengeroep word as deel van hul oriëntering en voorbereiding vir die skryf van die NSS-eksamens.
9. Skole moet kandidate in kennis stel dat die ondertekening van die belofte vrywillig is en dat kandidate nie verplig sal word om die belofte te onderteken nie.
10. Tydens die prinsipaal se toespraak, moet die eksamenreëls op die agterkant van die toelatingsbrief aan die kandidate voorgelees word.
11. Die kandidate moet gevra word om die belofte hardop te lees en dan toegelaat word om dit te onderteken.
12. Waar moontlik, moet fotokopieë van die ondertekende beloftes gemaak en as deel van elke kandidaat se skoolrekord by die skool bewaar word.
13. Die oorspronklike belofte moet vir die duur van die 2020 NSS-eksamen in die besit van elke kandidaat bly.
14. Om skole met die ondertekening van die belofte te help en ondersteun en kandidate aan te moedig en motiveer, het die Wes-Kaap Onderwysdepartement twee kort video's wat gedurende die seremonie gebruik kan word, voorberei. Die video's kan ook aan kandidate uitgereik word. Die skakels na die video's is as volg:

Motivering en onreëlmatighede: <https://bit.ly/3iUVbFD>

Ondertekening van belofte: <https://bit.ly/3ksdG4r>.

15. Daar word aanbeveel dat die ondertekening van die belofte tot graad 10- en 11-leerders uitgebrei word om 'n eenvormige standaard in die afneem van die eksamen in die Verdere Onderwys- en Opleidingsfase te verseker.
16. Die aangehegte NSS-eksamenbelofte kan vir graad 10 en 11 aangepas word.
17. Prinsipale word vriendelik versoek om toe te sien dat die seremonie vir die ondertekening van die belofte op gepaste wyse by hulle skole uitgevoer word.

18. Die samewerking van die 2020 NSS-eksamenkandidate in hierdie verband sal hoog waardeer word.

**GETEKEN:** PAD BEETS

**ADJUNK-DIREKTEUR-GENERAAL: KURRIKULUM- EN ASSESSERINGSBESTUUR**

**DATUM:** 2020-10-05